

عَلَ شَ مَسِي
 عَنبِ ثُلُ نَشَن سَبَّ
 عَقَسِ دَنَشِنِي حَم م
 مَسِي نَدِي كَبِي شِ قِ ر

يِ كَبِي قِنْدَشِ بَتَّاشِ نَن نَ عَلَ شَ شِيرِ ثُلُ نَشَن سَبَّ دَنَشِنِي حَم م
 نَشِي نَ سَبَتَشِ عَقَسِ تَا كِي نُنْ عَ رِبَلِي . تَمِي دَنَفَشِ ، ثُلُ نَ بَرِ كَوْنَدِ تِ نَا
 عَاكُ مِشِي شَ دَنَشِنِي عَسَ م . عَ لُ نَ نَ تَا كِي هَن حَ قِرِن . قِ نَشِي دَنَفِ
 عَقَسِ نَ وَشَتِ بُنْ م ، عَ سَبَتَشِ عَسِ شَ شِيرِي شَ تَرُشِي كِي ، سَر . ۱۹
 ثُلُ يِ كَبِي سَبَّ تَمِي نَشَ ، عَ نَ سَشِ فِيلِ عَلَ شَ مَسِي كَوْنَدِ م .
 عَلَ شَشَلِ سَنِينَشِ نَشَ مَسِي قِ عَ مَ نَشَن قِنْدِ يِ كَبِي ر .

عَلَ عَ تَ عَقَسِ دَنَشِنِي رِلْمِي ، عَ لَنِ قِ عَ م ، يِ كَبِي نَمَ قِ فِينَبِ
 مَسِنْدِ وَنَ قَنَ بَ . عَ عَلَ سَفِ مَكَنَمَ وَنَ بَ عَ نَشَن نَكَلِ عَ شَ مِشِ
 سَفِنْدَشِ عَسِ سَابِي ر . عَ سَفِ نَ عَ رَ مِشِ بَرِنَ شَ نَ كِسِ سَتَدِ عَسِ
 شَ سَرَشِ سَابِي ر . يِ كَبِي عَ مَسِنَمَ وَنَ بَ عَ مِشِ يِ مَ نَ نَشَن شَ وَلِ
 قَبِي نَمَ عَ رَكِسِدِ . مِشِ كِسَمَ عَلَ شَ هِنَنَ نَن تَن سَابِي ر . يِ كَبِي مَنَ عَ

مَسْمُونٌ بَّ عَ دَلْشَنِيَّتِي حَمَّ تَدِ فَبِ عَلَّ بَّ. عَ بَرَوَلِ سُّ عِ يِ رَ، عِ شَ
 نُنْ رَبِّ هَنَ بِيْنُ عَ مَن قَمَّ عِ قُش رَلْشَنُ نَشْ. عَ بَرَقِ قَنِي مَسِن، عَ لَمَ
 دَلْشَنِيَّتِي شَ حَرَّ لَشِي مَ. عَ مَن بَرَقِيْرَ قِ عِ مَ عِ شَ نُنْ تَدِ سِنْتَنَ كَنَكِ عَلَّ
 فِرْسِي تَمَّ عَ فَرَقَ كَنَكِ كِ نَشْ.

يِ كِبَابِي شَ مَسِنِي سَنَبِّ فَبِ كِ قَنِي. عَلَّ شَ عَ رَسَبَتِ وُنْ سَنَدْنِي كِي.
 عَلَّ شَ عَ شَشِلِ رَفَرُ وُنْ مَ لَشَنَ لُنْ قَمَ، لَشَنَ قِي مَكْنَمَ، عَلَّ وُنْ مَ عَلَّ
 كَلِي شُنْ شَ مَسَ. عَلَّ شَ سَنَبِّ قِ وُنْ مَ وُنْ شَ لُنْ سَتَ عَ شَ مِشِ
 سَفَنْدِشِ شَ شَنْتِي مَ لَشَنَ دَنْفِ لُنْ بَرِنَ نَ. عَلَّ شَ وُنْ نَكَلِ عَ شَ قِ
 كَلِشِ بَرِنَ نَ. عَمِنَ.

عَلَّ شَ مَسِنِي
 عَنَبِ ثَلُ لَشَنَ سَبِّ
 عَقَسْ دَلْشَنِيَّتِي حَمَّ مَ

شَيْبِي

1 آ تَنُ ثَلُ نَنُ يِ كِ، عَلَّ بَرَّ عَ رَفَرِ لَشَنَ شَ قَنْدِ عَ شَ مِشِ سَفَنْدِشِ عَسِ
 شَ شِيرَ رَ. أ بَرَوَتَنَ عَقَسْ سَلِيَّتِي شَيْبِ، عَلَّ شَ مِشِ سَفَنْدِشِ عَسِ

شَ دَنْشَيْيْ. ² وَنْ بَبْ عَلْ نُنْ وَنْ مَرَفِ عِسْ عَلْ شَ مِشِ سَفَنْدِشِ شَ
هِنَنْ نُنْ بَحْسِ قِ وَ مَ.

عَلْ مَتْنِيْ

³ تَنْتِيْ نَنْ عَلْ بَبْ، نَشَنْ قَنْدِشِ وَنْ مَرَفِ عِسْ بَبْ رَ. عِسْ سَابِيْ رَ، عَ
بِرَبْرَكْ بَرَنْ نَفَرِ وَنْ مَ، نَشَنْ مَوْلِ مَ كَلِمِ يِ دَنْجِ مَ، نَشَنْ مَوْلِ مَ تَمَ، نَشَنْ وَنْ
مَلِمَ عَرِيْنِ كَرَشَنْ. ⁴ بِيْنِ دَنْجِ فَمَ سَنْفِ حَنْ شَ دَشْ، عَلْ نَ بَرِ وَنْ سَفَنْدِ
عِسْ سَابِيْ رَعَلَكْ وَنْ شَ سَنْيَنْ، وَنْ شَ تَنْشَنْ عِ يِ عَ. عَ شَ شَنْتِيْ كِيْ،
⁵ عَ نَشَ حَنْفِ تَنْفَ وَنْ شَ قَنْدِ عَ شَ دِيْ رَعِ شَ مِشِ سَفَنْدِشِ عِسْ
سَابِيْ رَ، عَلْ سَفَ قَنْيِ مَ. ⁶ نَ بَرَنْ نَبَشِ نَ عَلَكْ وَنْ شَ عَ شَ هِنَنْ شَنْفِ
مَتَشْ، عَ نَشَنْ مَسَنْشِ وَنْ بَبْ عَ شَنْتِيْ عِسْ سَابِيْ رَ.

⁷ عَ تَنْ عِسْ بَرِ وَنْ شَنْسَرِ قِ عَ يَتَّ وِلِ رَ. وَنْ مَ يَنْبِيْ شَقْرِشِ عَ تَنْ نَنْ
سَابِيْ رَ. نَ بَرَنْ نَبَشِ عَلْ شَ هِنَنْ مَكَابَشِ نَنْ كِيْ، ⁸ عَ بَرَنْشَنْ قِ وَنْ مَ عَ
يِرِوشِ رَ، لَنْزِ نُنْ قَهَامِيْ رَ. ⁹ عَ بَرَعِ سَفَ فَنْدِ مَكَنْ وَنْ بَبْ، عَ تَ وَ عَ
شَنْ عَ سَفَ شَ رَبْ عَ شَ مِشِ سَفَنْدِشِ سَابِيْ رَ ¹⁰ وَشَتِ كَلِمِ تَمِيْ. عَلْ
سَفَ قَنْدِشِ يِ نَنْ نَ، عَ شَ سِ بَرَنْ مَلَنْ، نَبَشِيْ نَ كُورِ عَ نُنْ نَبَشِيْ نَ بَشِ،
عَ شَ عَ شَ مِشِ سَفَنْدِشِ قَنْدِ عَ بَرَنْ شَنْيِ رَ. ¹¹ وَنْ قَنْ قَنْدِشِ كَتَنْفِيْ رَ
عَ تَنْ نَنْ سَابِيْ رَ، عَلْ عَلْ عَ حَنْفِ تَنْفَشِ كِ نَشْ، نَشَنْ قِ بَرَنْ نَفِرِ مَ عَ يَتَّ

سَفِي نُنْ عَ شَ نَتَّ مَ .¹² نَ بَرِنَ نَبَشِ نَّ عَلَكَّ وَنَ تَنَ لَيْثِي قِنْدِ مِشِ سِنْفِي
 رَنْثِي عَ شَشِلِ تِ عَلَّ شَ مِشِ سَفِنْدِشِ رَ، وَنَ شَ عَلَّ نَزَّ كِنِي مَتَشُ .
¹³ وَقَنَ تَ نَدِ مِسِنِي رَمَّ عَسَ شَ قِ رَ، شِبَارُ قِنِي نَشَنَ كِسِ قِ وَ مَ،
 وَنَشَ دَنْشِنِي عَ مَ . عَسَ سَابِي رَ، عَلَّ نَشَ وَ مَتَشَمَّ عَ شَشِلِ سِنِينَشِ رَ عَلَّ
 عَ لَا يَدِ كِ نَشَ .¹⁴ عَ بَرَّ عَ شَشِلِ سِنِينَشِ قِ وَنَ مَ وَنَ كَ قَلَّ رَ . عَ قَمَّ وَنَ
 كَ دَنْشِي بَرِنَ قَدِ وَنَ مَ عَ نَ قَ عَ شَ مِشِي قَشَ رَتْمِي نَشَ . يِ بَرِنَ نَبَشِ نَّ
 عَلَكَّ عَلَّ نَزَّ كِنِي شَ مَتَشِي نَتَّ .

ثَلُ شَ عَلَّ مَشَنَدِ عَقَسَكِي بَ

¹⁵ نَ كِي، كَقِ آ عَ مَ وَ دَنْشِنِشِ مَرِفِ عَسَ مَ كِ نَشَ، وَ مَنَ سِنِينِي
 بَرِنَ شُنَشِ كِ نَشَ،¹⁶ دَنِي يِ مَ نَ آ مَ تَنِي مَ وَ شَ قِ رَانَ عَلَّ مَشَنَدِ مَ وَ
 بَ .¹⁷ آ مَ مَشَنَدِ سَفَمَ بَبَ عَلَّ نَزَّ كِنِي نَنَ مَ، وَنَ مَرِفِ عَسَ نَشَنَ بَتَمَّ، عَ
 شَ عَ شَشِلِ رَفَرُومَ نَشَنَ قَهَامِي قَمَ، نَشَنَ قِي مَكَنَمَ، عَلَكَّ وَ شَ عَلَّ كَلْفِي
 شُنَ شَ مَسَ .¹⁸ آ عَ مَشَنَدِ مَ وَ بَحَّ شَ قِ تَ عَ قِيشَ رَ عَلَكَّ وَ شَ كَلَنَ
 نَتَّ عَ مَ عَ عَلَّ بَرُوشِلِ، قِ شَ لُ وَ بَ وَ وَ شَشِلِ تَمَ نَشَنَ نَ، عَلَكَّ وَ
 شَ كَلَنَ نَتَّ عَلَّ شَ كَ مَكَابَشِ مَ نَشَنَ قِنْدِشِ عَ شَ سِنِينِي بَرِنَ فِ رَ،
¹⁹ عَلَكَّ وَ مَنَ شَ كَلَنَ نَتَّ عَلَّ شَ سَنَبَ شَنْفَبِ مَ نَشَنَ نَ وَنَ تَنَ دَنْشِنِي
 بَ . يِ سَنَبَ قِنْدِشِ عَلَّ شَ سَنَبَ مَفَاشِشِ نَنَ نَ،²⁰ عَ نَشَنَ نَمِنَ عَ تَ

عَ شَ مِشِ سَفَنْدِشِ رِكَلِ قَشِّ مَ، عَ عَ مَفْرَعِ بَرَقِي مَ عَرِيَنَ. ²¹ عَلَّ بَرِّ
 مَنِّي قِ عَ مَ لَشَن دَنْفِ مَنِّي، نِي، نُن سَنَبِ بَرِنَ. عَ بَرِّ شِلِ قِ عَ مَ لَشَن
 دَنْفِ شِلِ بَرِنَ نَ لَشَن قَلَمِ يِ دُنْجِ مَ عَ نُن عَلِيمِ. ²² عَلَّ بَرِّ قِ بَرِنِ سَ عَ شَ
 يَامِرِ بِنَ، عَ مَن قِ عَ قَنْدِ قِ بَرِنِ شِنِي رَدَلَشِنِي حَمِ بَ. ²³ دَلَشِنِي حَمِ
 قَن لَشِن نَ عَلَّ عَلَّ شَ مِشِ سَفَنْدِشِ قَتِ. لَشَن قِ بَرِنِ نَكَلَمِ عَ مَوْلِ بَرِنِ
 نَ، عَ شَ قِ كَلَشِ بَرِنَ نَ دَلَشِنِي حَمِ تَفِ.

2

كِسِ سَمَّ عَلَّ شَ هِنِّ نَن سَايِ رَ

¹ وَقَن نُ قَنْدِشِ مِشِ قَشِي نَن نَ وَشَ قِ كِي نُن وَشَ يَنْبِي شَ قِ
² رَ وَنُ حَرَمِ لَشِي مَ. وَنُ بَرِّشِ يِ دُنْجِ قِ كِي نَن قَشِ رَ. وَنُ بَرِّشِ سِنْتَنِ
 نَن قَشِ رَ، حِنِّي شَ مَنَفِ لَشَن نَ كِي مَ. وَنُ بَرِّشِ عَ شَشِلِ نَن قَشِ رَ
 لَشَن نَ وَلَقِي عَلَّ يَشِي تَفِ. ³ سِنَفِ، وَنُ بَرِنِ نُ حَرَمِ نَ مَوْلِ نَن نَ، وَنُ بَرِّ
 وَنُ قَتِ وَشَنِّي نُن وَنُ يَتِّ شَشِلِ قَشِ رَ. نَ كِي، عَ نُن لَمَ وَنُ شَ عَلَّ شَ
 شَن نَن تَن سَتَّ عَلَّ بَوْرِي.

⁴ كُنَّ عَلَّ شَ كِنِكِنِ فَبِ. عَ وَنُ شَدَشِ شَنْتِي تَلَشِ نَن نَ. ⁵ نَ كِي،
 هَلِ قَشَمِشِي نَن تَ نَ وَنُ نَ وَنُ مَ قِ كَبِ رَبِّي شَ قِ رَ، عَلَّ لَشَ وَنُ
 نَكَلِ نَ قَشِ مَ، وَنُ نُن عَ شَ مِشِ سَفَنْدِشِ. وَ كِسِشِ عَلَّ شَ هِنِّ نَن

سَابِي رَ 6 عَلَّ تْ بَرُونِ نَكِلِ قَشِّ مَ وَنْ نُونِ عَ شَ مِشِ سَفَنْدِشِ رَ، عَ
 بَرُونِ نَسْ عَرِينَنَ، عَ وَنْ دُشْ عَ قَ مَ . 7 عَ شَ قَنْسِرِي كِي، عَلَّ كِسِ
 قَشِّ وَنْ مَ عَ شَ مِشِ سَفَنْدِشِ عَسَ نَنِ سَابِي رَ، عَلَّ بَرِنِ شَ عَ شَ هِنَنِّ
 مَكَابَشِ تْ وَشْتِ بَرِنِ نَشْنِ سَ قَمَ .

8 وَ كِسَشِ عَلَّ شَ هِنَنِّ نَنِ سَابِي رَ، وَشَ دَنْشِنِي شَ قِ رَ . كِسِ مَ
 كَلِمَ وَتَنِ شَ مَ، عَلَّ نَنِ عَ قَمَ مِشِ مَ . 9 عَ مَ كَلِمَ مِشِ شَ وَلِ قَنْبِي شَ
 مَ . نَ كِي، مِشِ يَ مَ نَمَ عَ يَتَ مَنَشْدِ . 10 عَلَّ شَ وَلِ قَشِّ نَنِ نَ وَنَ .
 يَكْسِ، عَ بَرُونِ دَاعِ شَ مِشِ سَفَنْدِشِ عَسَ سَابِي رَ، عَلَّ وَنْ شَ نَ وَلِ
 قَبِي رَ، عَ بَرَنْبِي تِ وَنِ يَ عَ وَنْ شَ نَ حَرَجَ مَ .

دَنْشِنِي حَمَ قَنْدِقِ عَلَّ شَ مِشِي نُونِ عَلَّ شَشَلِ سَبْتِدِ رَ عَسَ شَ سَرَشِ
 سَابِي رَ

11 نَ كِي، وَشَ رَتَ عَ يُوْقِي مَ وَرَبْرَحَ مَ . نَشِي شَلِ قَلَمَ «سَنْنَمِشِي» .
 عَ وَقَنْ شَلِ قَلَمَ «سَنْنَتْرِي» . وَشَ عَ كَلَنَ عَ سَنَنْ قَنْدِشِ عَدَمَ شَ وَلِ نَنِ
 نَ، نَشْنِ نَبَمَ مِشِ قَتَ رَ . 12 وَشَ رَتَ عَ سِنْفِ رَ وَ مَ نَ عَلَّ شَ مِشِ
 سَفَنْدِشِ شَ قِ يَ كَلَنَ . شَخِي نَنِ نَ وَرَ عَسِرِلِكِي يَ مَ . لَايِدِ نَنِ سَاتِ
 يَ مَ نَ شَرِشِ وَنَ عَلَّ تَفِ . شَشَلِ تَدِي مَ نَ نَ وَ يَ رَ، عَلَّ كَلَنْتَرِي نَنِ
 نَ وَرَدَنْجِ مَ .

13 كُنْ يَكْسِ، وَتَنْ لَيْبِي دَلْشَنِيشِ عَلَّ شْ مِشِ سَفَنْدِشِ عَسِ مَ، وَتَنْ لَيْبِي نْ مَكِيشِ، عَلَّ بَرَّ وَ مَسَّ عَ رَعِ شْ مِشِ سَفَنْدِشِ وُلِ سَابِي رَ. 14 عَ تَنْ نَنْ لَيْبِي رَسْشِ وَنْ تَفِ، حَمَّ قَرْنِ شْ قَنْدِ كَرْنِ نَ. عَ تَ عَ يَتَّ قَتَّ بَبَّ سَرَّشِ رَ، عَ بَرَّ لَيْبِي تَتَّ رِبْرَنْشِنِ نْ لَيْشِ وَنْ تَفِ. 15 عَ بَرَّ يُوْقِي شْ سَرِي، عَ شْ يَامَرِي، نُنْ عَ شْ تَنْبِي سَنْبَ كَنْ. عَ بَرَّ نْ حَمَّ قَرْنِ تَفِ، عَ لَيْبِي شِيرِ عَ تَفِ، عَ عَ قَنْدِ حَمَّ نَيْبِ كَرْنِ نَ عَ شْ يَامَرِ بَنْ مَ. 16 عَ شْ قَشَّ سَابِي رَ وِرْ مَفْلَنْبِشِ مَ، عَ بَرَّ عَ شْ يَشِي كَنْ، عَ عَ قَرْنِ بَرْنِ قَنْدِ كَرْنِ نَ، عَ لَيْبِي نُنْ بَحْسَ لُ عَ تَنْ نَنْ عَلَّ تَفِ. 17 عَ تَ قَ، عَ نَشَّ وَ كَوْنَدِ لَيْبِي نُنْ بَحْسَ رَ، وَتَنْ لَيْبِي نْ مَكِي. لَيْبِي قَنْ نْ مَكْرَ، عَ نَشَّ نِي كَوْنَدِ لَيْبِي نُنْ بَحْسَ رَ. 18 عَ تَنْ نَنْ نَادَّ رِبْشِ وَنْ قَرْنِ بَرْنِ بَ، وَنْ نُنْ بَبَّ عَلَّ شْ لُ يَرِ كَرْنِ، عَ شَشَلِ سَنْبِشِ كَرْنِي سَابِي رَ.

19 نَ كِي، وَتَنْ لَيْبِي مْ نُنْ نَ عَلَّ شْ مِشِي يَ مَ، يَكْسِ وَ قَنْ بَرَّ قَنْدِ سَنْبِشِي رَ، وَ بَرَّسَ عَلَّ شْ مِشِي يَ مَ. 20 وَ بَرَّ لُ عَلَّ بَنْشِ لَيْشِ نَشْنِ بَنْبِي قَنْدِ شِيرِي نُنْ نَمَحْمِي رَ. عَلَّ شْ مِشِ سَفَنْدِشِ عَسِ نَنْ قَنْدِ نَ بَنْشِ فَمَّ هَفَفَّ رَنْشِنِ تَدِّ فَبَّ عَ بَرْنِ بَ. 21 بَنْشِ يَرِ بَرْنِ عَ بَوْرِ سَشْشِ عَ تَنْ نَنْ سَابِي رَ، عَ عَتِ، عَ قَنْدِ هَرْمَبَنْشِ سَنْبِشِ رَمَرَفِ بَ. 22 عَسِ بَرَّ عَ نِي وَ قَنْ شْ نْ مَلَنْ عَلَّ بَنْشِ بَرِّكِ دَشَمَّ عَ بَوْرِ رَكِّ نَشَّ. عَلَّ نَ وَ تَتِي عَلَّ بَنْشِ

عَ شَشِلِ سَبْتَمَ دَنْشَ .

3

عَلَّ شَ فُنْدُ مَكَنْتَقِ

1 نَنْ عَ تَشِ، آ عَلَّ مَشْنَدِمَ وَبَّ، آ تَنْ ثُلْ، لَشْنُ بَرَقَنْدِ فِيلَهِنِ رَعَلَّ شَ
 مِشِ سُفَنْدِشِ عَسَبَّ وَشَ قِ رَ، وَ تَنْ لَشِي مَ قَنْدِشِ عَسِرِيلَكِي رَ. 2 آ
 لَشِي عَ رَ، وَ بَرَع مَّ عَلَّ لَشِ عَ شَ هَنْ تَشِ أَنْ آ شَ عَ مَسِنِ وَبَّ. 3 آ حَنْ
 بَرَع نَدِ تَفِ رَبِّ، عَلَّ بَرَع شَ فُنْدِ مَسِنِ آ بَّ لَشْنِ سِنْفِ نُ لَشْنِشِ. 4 وَ
 نَ آ مَ سَبَلِ شَرَنْ، وَ نَمَّ نَ عَ كَلَنْدِ عَ قَهَائِي بَرَقِ آ مَ عَلَّ شَ مِشِ سُفَنْدِشِ
 فُنْدِشِ قِ رَ. 5 يَ فُنْدُ مَ نُ مَكَنْشِ عَ سِنْفِ رَنْ عَدَمَدِي بَّ عَلَّ عَ قِ
 مَكَنْشِ عَلَّ شَ شِيرِ سَنِيشِي نُنْ مَحْنَمِي بَّ كِ لَشِ تَ عَلَّ شَشِلِ سَنِيشِ
 سَائِي رَ. 6 عَ بَرَمَكَنْ قِ، عَ سِ فَبْتِي نُنْ عَسِرِيلَكِي بَرَقَنْدِ حَمَ كَرَنْ نَ. عَ
 بَرَقَنْدِ كِ كَرَنْ تَفْمِي رَ. عَلَّ لَا يَدِ كَرَنْ نَنْ تَفْشِ عَ بَرَنْ نَلَشِ بَّ، عَلَّ شَ
 مِشِ سُفَنْدِشِ عَسَبَّ شَ شَبَارَقِي سَائِي رَ.

7 عَلَّ تَ هَنْشِ أَنْ عَ سَنْبَ بَرَنْ نَ، آ قَنْ بَرَقَنْدِي شَبَارَقِي شَ وَ لَكَّ رَ.

8 هَلِ آ تَ شُرْنِشِ دَنْفِ سَنِيشِي بَرَنْ نَ، عَلَّ بَرَهَنْ أَنْ. عَ شَ هَنْ قَنْدِشِ
 آ بَّ يَ نَنْ نَ، آ تَنْ شَ سِ بَرَنْ كَوْنَدِ عَلَّ شَ مِشِ سُفَنْدِشِ شَ شَبَارَقِي
 مَكَابَشِ رَ، 9 آ شَ عَلَّ فُنْدُ مَكَنْ عَدَمَدِي بَرَنْ بَّ، لَشْنُ نُ لَشْنِشِ عَلَّ دَالِ

مَنْفِ ي رَ . كَتِي قِ قُلْ قُلْ يِ فُنْدُ نْ لُنْشِنْشِ عَلَّ يِ ، ¹⁰ كُنْ يَكْسِ ، عَ
 سَفْ نَ عَ رَدَلْشِنْشِي حَمَّ شَ عَ شَ لَنْ بَرِنْ مَكَنَّ مَنَفِي نُنْ لِي بَّ نَشِي نَ
 كِي مَ . ¹¹ يِ بَرِنْ قَنْدِشِ عَلَّ شَ نَتَّ نَنْ نَ لُنْشِنْشِ نَ عَ يِ رَ عَبْدَنْ . عَ
 عَ بَرِنْ نَكَلِشِ وَنْ مَرَفِ عَسَ نَنْ سَابِي رَ ، عَ شَ مِشِ سَفَنْدِشِ . ¹² عَ تَنْ
 سَابِي رَ ، وَنْ تْ دَلْشِنْشِي عَ مَ ، وَنْ نَمَّ وَنْ مَكْرَدِ عَلَّ رَمَلِي كِي ، سِيكَّ شَنْبِ .
¹³ نَ كِي ، آ بَرُوْ مَشَنْدِ لَمِي نَشْ بَ وَيِ آمَ تَوْرَ كِي وَشَ قِ رَ ، بَرِمَ عَ قَنْدَمَ
 وَبَّ شُنْكَلِ نَنْ نَ .

¹⁴ نَ نَنْ عَ تَشْ ، آ نَنْ آ شَنْبِ سَمَّ بَبَّ عَلَّ يِ عَ ، ¹⁵ بَنْسِي بَرِنْ قَتَنْشِ
 لُنْشِنْشِ نَ ، نَشِي نَ كُورِ نَنْ بَشِ . ¹⁶ آ عَ مَشَنْدَمَ عَ شَ وَ مَلِ عَ شَ نَزَّ مَكَابَشِ
 سَابِي رَ ، عَ شَ وَ بَحَّ سَنْبَّ سَ عَ شَشَلِ سَابِي رَ . ¹⁷ آ عَ مَشَنْدَمَ عَ شَ مِشِ
 سَفَنْدِشِ شَ سَبَتِ وَ بَحَّ عَ دَلْشِنْشِي سَابِي رَ ، وَ مَنَّ شَ سَبَتِ شَنْتِي كِي . وَ
 شَ شَنْتِي سَشْ عَلَّ وَرِ بِلِ سَنْكِ بَشِ سَشْشِ كِ لَشْ . ¹⁸ آ عَ مَشَنْدَمَ عَ
 شَ سَنْبِ قِ وَ مَ ، عَلَّكَ وَنْ سَنْيَنْتِي بَرِنْ شَ نَ عَلَّ شَ مِشِ سَفَنْدِشِ شَ
 شَنْتِي فِي ، عَ كِي ، عَ عَتِي ، نُنْ عَ تَلِي كَلَنْدِ وَ مَبِرِ . ¹⁹ وَ شَ كَلَنْ سَتَّ عَ
 مَ عَلَّ شَ مِشِ سَفَنْدِشِ وَ شَنْشِ كِ لَشْ ، شَنْتِي لُنْشِنْشِ مَ نَمَّ فَهَامِدِ عَ فِي شَ
 قِ رَ ، عَلَّكَ عَلَّ شَ وَرَكَلِ عَ شَ قِ كَلِشِ بَرِنْ نَ .

²⁰ مَتَشِي نَ عَلَّ بَّ لُنْشِنْشِ نَمَّ قِ بَرِنْ نَ عَ سَنْبَّ سَابِي رَ عَ لُنْشِنْشِ قِشِ وَ
 مَ ، لُنْشِنْشِ نَمَّ قِ بَرِنْ نَ ، دَنْفِ وَنْ مَ مَشَنْدِ نُنْ مَحْشِي رَ ²¹ مَتَشِي نَ عَ تَنْ نَنْ

بَّ دَنْشَيْتِي حَمَّ نُنْ عَ شَّ مِشْ سَفَنْدِشِ عَسَ سَابِي رَوَشْتِ بَرِن، عَبْدَن،
عَمَن.

4

دَنْشَيْتِي حَرِّكْ

حَرِّقْ لِي كِي

1 ن كِي، آ تَنْ نَشْن بَرَقَنْدِ فِيلِينِ رَمَرَفِ شِ قِ رَ، آ بَرَّ وَمِينِدِ وَحَرِّكْ
شَّ عَ مَسْنَعِ عَلَّ نَنْ يَتِ وَشَلِشِ. 2 وَشَّ حَرِيَّتْ مَفَرِنُ بَحْ بَشِ كِي، وَ
نُ دَحَّ وَبَرَبَّ، وَتِ وَبَرَسَنْ نَ شَنْتِي كِي. 3 وَشَّ قِ بَرِنِ نَبَّ عَلَكْ لِي
نَشَّ كَنْ وَتَفَّ، عَلَّ شَشَلِ سَنِينِشِ نَشْنِ قَشِ وَمَ بَحْسَ رَ. 4 وَنَ قَنْدِشِ
قَتِ كَرِنِ نَنْ نَ. عَلَّ شَشَلِ سَنِينِشِ كَرِنِ نَنْ عَ رَ. عَلَّ وَقَنْ شَلِشِ نَ وَ
شَّ وَشَشَلِ تِ قِ كَرِنِ نَنْ نَ. 5 مَرَفِ كَرِنِ، دَنْشَيْتِي كَرِنِ، نُنْ شُنَشِ كَرِنِ
نَنْ نَ وَنَ بَّ. 6 عَلَّ كَرِنِ نَنْ نَ وَنَ بَّ نَشْنِ قَنْدِشِ بَرِنِ بَبَّ رَ، نَشْنِ نَ بَرِنِ
شْنِ مَ، نَشْنِ وَلَمْ بَرِنِ سَابِي رَ، نَشْنِ نَ بَرِنِ عَ.
7 كَنْ هَنْ قَشِ كَنْكَنْ مَ وَنَ يَ مَ عَلَّ عَلَّ شَّ مِشِ سَفَنْدِشِ عَ شَسْبِشِ
كِ نَشَّ. 8 نَ نَنْ عَ نَشَّ عَ سَبِشِ،

«عَ تَ تَ كُورِ،

عَ نَشَّ عَ يَشِي سَشْ،

عَ نَشَّ عَدَمَدِي كِ.»

9 ع ت سَبَسِ، «ع بَرَت،» ن ن ن ك ع بَرَفَرَهَن بَش م سِنَدَن، بِنَن ع
 مَن ش ت. 10 لَشَن فَر، ن ن مَن تَش كُور بَرِن شُن م، عَكَّ ع ش ق
 بَرِن نَكَل. 11 ع عَد مَدِي ك لَشَن ن، ع قَدِي ن ن، نَدِي ش قَدِ شِيرِي
 ر، نَدِي ش قَدِ نَمَحَمِي ر، نَدِي ش قَدِ شَبَارُ قِي كُونَدِي ر، نَدِي ش قَدِ
 دَلَشَنِي شُفِي ن كَرَمَشِي ر. 12 ع وَن كِش ن ن بَرِن ن عَكَّ وَن ش
 سَنِي شِي مَلِ ع ش قَت عَل ش مَشِ سَفَنَدِش ش دَلَشَنِي حَم رَحَرِدِي.
 13 وَن ش بَرِن فُش رَهَن وَن بَرِن ش ل لِي كِي لَشَن كَلِم دَلَشَنِي ن عَل
 ش دِ كَلَتِي م، هَن وَن بَرِن ش كَلِ عَل عَل ش مَشِ سَفَنَدِش كَلِش كِ
 لَش. 14 ن تَمِي وَن م لَم سَن عَل دِيرِي. وَن م لَنَتَم سَن عَل وَر لَشَن سَشِ
 ي قَر، مَرِنِي ن فِي لَشَن تَنَم، ع ع شَن يَرِن. ن كِي، مَشِي م نَم وَن تَنَتَنَدِ
 سَن ع ش وَل كُونَدِ ر، ع ش كُوت، ن ع ش يَقَنِي ر. 15 وَن ش نَدِ
 ن قَل شَنِي كِي. ق بَرِن كِي، وَن ش دَلَشَنِي عَل ش مَشِ سَفَنَدِش م،
 لَشَن قَدِش دَلَشَنِي حَم شِي ر. وَن ش م ن دَلَشَنِي كِي. 16 شِي ن قَت
 سَلَسِ بَرِن نَحْرَم. كَنَكَن شَرِش ع بُور ر، كَنَكَن ع ش وَل رَجَم، عَكَّ قَت
 بَرِن ش م، ع ش سَب سَت شَنِي كِي.

حَرَقِ لَهَلَّ نِين م، تَدَشِي ن سَنِي كِي

17 ن كِي، آي ن قَلَم وَب، آ مَن ش ع مَبِن مَرِفِ شِل ر، وَنَش حَر

سُنَّ عَلَ دَنْشِيَتِي حَرَمَ كِ نَشْ. عَ شَشِلِي بَرَمَ قِ قُقُقُ نَن تُن قُش رَ. 18 عَ شَشِلِي عَقُورَشْ. عَ شَ قِ كَلَنْتِي نُن عَ شَ سُنْدَن شَرَشِي بَرَع نِي عَ شَ فَن عَلَ شَ كِس رَ. 19 عَ مُ يَافِمَ قِي مَ سُنَّ. عَ بَرَع يَت رِبَل لَنْفِيحَ شِل مَ. عَ مُ وَسَمَ قِ كَب مَوْلِ بَرِن نَبِي رَ.

20 كُنَّ عَلَ شَ مَشِ سُنْدَشِ مُ وَتَشِ نَ كَرَشِ شُن! 21 وَعَ شَ قِ مَشِ نَ، وَمَنْ بَرَشَرَن عَ شَ قِ رَ. وَعَ كَلَن يَت عَ نُنْدَ نَ عَسَ نَن يِ. 22 وَتِكَنَشِ نَ وَشَ وَيِ بَ وَحَرَكِ قُرَر، لَشَن وَشَن نَكَمَّ وَوَشَنِي كَب سَابِي رَ. 23 وَبِحَ نُن وَشَشِلِ شَ مَقْنَدِ بَحِ نِي نُن شَشِلِ نِي رَ. 24 وَشَ وَ لَهَلَّ قُر مَسْرَعِ نِي رَ. وَلَمَّ نَ عَلَ وَبَرَقْنَدِ مَشِ نِي رَعَل لَشَن دَاشِ عَ شَ حَرَّ عَ شَ تَنْشِي نُن سَنِي يَت كِي.

25 نَ كِي، وَنَ شَ وَ لَ، وَنَ شَ نُنْدِ نَن قَلِ وَنَ بَرَبْ، بَرَمَ وَنَ قَنْدَشِ قَتِ كَرَن سَلَنِي نَن نَ. 26 شَ وَشَن، وَتَشَ يَنْبِ رَبْ. وَتَشَ عَ لَ سَفِ شَ دَلِ شَن نَ وَبِحَ كِي، 27 عَلَكْ وَتَشَ سَنْدِ لَ عِبِلَسَ بَ. 28 مُحْتِ شَ مُح لَ. عَ شَ وَ لَ تَنْشِي كِي عَلَكْ عَ شَ مُنْقِي نَسْتِ عَ لَشَن قِمَ سَتِي مَ. 29 وَتَشَ عَ لَ وَبِنَ كَبِ يِ شَ مِ نَ وَدَع. وَشَ وَبِنَ قِي نَن قَلِ لَشَن نَمَ مَشِ مَلِدَعِ هِي كِ مَ، عَلَكْ وَشَ وَبِنِي شَ قَنْدِ هِنَّ رَعِ بَ. 30 وَتَشَ عَلَ شَشِلِ سَنِي شِ تَوْرَ، عَلَ وَتَنْشَمَشِ لَشَن نَ هِنَ عَ قَمَ وَنَ قُش رَلَشِ نَشْ. 31 وَشَ وَيِ بَ يِ قِ مَوْلِ بَرِن نَ؛ شَن، بَحْتِ، حَاشُحْ، حُشَنَسِي،

كُنْبِ، عَ نُنْ قِ كَبِ مَوْلِ بَرْنِ. 32 وَشَ مَرَقِي نُنْ حِ قِي مَسِنِ وَبِرَبِّ.
 وَشَ دَحَّ وَبِرِّ مَ عَلَ عَلَ دَحَّشِ وَقَنَّ مَ كِ نَشَّ عَ شَ مَشِ سَفَدِشِ سَابِي
 رَ.

5

حَرَقِ نَيْلِي كِي

1 ن كِي، وَتَ بَرَقَدِ عَلَ شَ دِ شَنْشِي رَ، وَشَ عَ قَشِ نَنْبَ. 2 وَشَ
 حَرَّ شَنْتِي كِي عَلَ عَلَ شَ مَشِ سَفَدِشِ وَنَ شَنْشِ كِ نَشَّ، عَ عَ يَّتِ قِ وَنَ
 مَ قِ رَ، عَ قَدِ وَنَ مَ سَرَّشَ رَ لَشَنَ لَبَدَّ شِرِّ رَقَنَّ عَلَ مَ.
 3 كُنْ لَنْفِيحَ، مِلَّ، نُنْ سَنِتْرَحَ مَوْلِ يَ نَشَ لُ وَيَ رَ. عَ شَ قِ حَنْ
 نَشَ قَلَّ وَتَفَ، بَرِّ مَ نَ مَ لَنْ سَنِتِي يَ مَ. 4 وَيَ مَسْتَرِّ، دَخَّ وَيَ، وَيَ
 حَاشِ، عَ سِسِ نَشَ مَ وَتَفَ. نَ مَ لَنْ. وَشَ نَ تَنْتَ وَيَ نَ قَلَّ وَبِرِّ
 تَفَ. 5 وَشَ عَ كَلَّ عَ قِي رَ، عَ لَنْفِي، سَنِتْرَ، عَ نَ مَلَنْتَ نَشَنَ مَنِي كِي
 بِي رَ، عَ سِسِ مَ قَدِشِ لُ تَنْفَمَ رَ عَلَ نُنْ عَ شَ مَشِ سَفَدِشِ شَ مَنَفِي
 نِينِ بُنْ مَ. 6 وَنَشَ عَ لُ مَشِ يَ شَ وَمَدَّشِ وَيَ فُقُقَ رَ. يَ يَبِّ مَوْلِي
 شَ قِ رَ، عَلَ شَ شَنْ فَرَمَ نَ مَشِي مَ نَشِي مَ عَ شِي سَشَمَ. 7 نَ كِي، وَنَشَ
 فَبِكُ عَ رَ.

8 سِنَفَ، دِمَ نَنْ وَرَ، كُنْ يَكْسِ، وَبَرَقَدِ نَيْلِي رَمَرَفِ سَابِي رَ. وَ
 شَ وَحَرَّ عَلَ عَلَ لَنْ نَيْلِي شَ دِي شَ عَ حَرَّ كِ نَشَ. 9 نَيْلِي شَ وَلِ تَمَ قِ

فَقِي بَرِن، تَنَشِينِي بَرِن، نُن نَدِ بَرِن كِي. 10 وَش كَت وَش كَلْن سَت قِي مَ
 نَيْبِي عَل كَنَش. 11 وَش وَفِ رَس دِم ش وَلِ كَبِي مَ قَوْلَا! وَش
 نَ قِي مَوْلِ رَمِن كَن م. 12 بَرِم نَ مَشِ مَوْلِي قِي نَيْبِي رَمِ نَشِينِي كِي، هَلِ عَ
 عَقَلَقِ يَت مِيَا فِ. 13 كُن نَيْبَانِي قِي لَشِن بَرِن مَكَنَم، عَ تَم نَ يَ رَ. 14 قِي
 لَشِن بَرِن تَم يَ رَ، عَ قَن بَرَقَدِ نَيْبَانِي رَ، عَ قَلَشِ نَ نَ مَ،
 «عَ تَن لَشِن شَقِي، شُن.»

كَلِ قَشْمَشِي يَ مَ،

عَل شَ مَشِ سَفَنَدِشِ شَ يَنَبَّ شَ تِ عَ مَ.»

15 نَ كِي، وَمِينِ وَحَرَكَ مَ. وَش وَحَرَ عَلِ شَشَلَتَرِي. وَش وَحَرَ نَ
 عَلِ شَشَلِي. 16 وَمِينِ يَ تَمِي مَ، بَرِمِ يَ تَمِي مَ قَن. 17 نَ نَ عَ رَ، عَ مَ
 لَن وَش وَحَرَ عَلِ شَشَلَتَرِ. وَش كَلْن سَت مَرِفِ وَشَقِي مَ. 18 وَنَ لَشِ وَ
 رَسِيَسِ، بَرِمِ شَشَلَتَرِحِ نَ نَ كِ. وَش كَلِ عَلِ شَشَلِ سَنِينِشِ نَ نَ. 19 وَ
 شَ وَيَنِ وَبَرِبِ سَوَكِ نَ يَتِ رَ. وَش سَوَكِي نَ يَتِي بَ مَرِفِ بَ لَشِي
 كَلِمِ وَحَ يَتِ يَتِ مَ. 20 وَش تَنَتِي رَسَفِ بَبِ عَلِ مَ قِي بَرِنِ شَ قِي رَ، تَمِي
 بَرِن. وَش نَ رَبِ عَلِ شَ مَشِ سَفَنَدِشِ مَرِفِ عَسِ شَلِ سَابِي رَ.

حَرَقِ يَتِ مَفْرِ كِي

21 وَش وَيَتِ مَفْرِ وَبَرِبِ عَلِ شَ مَشِ سَفَنَدِشِ شَ يَرَفَاشِي كِي.

22 فَيِّ، وَّ شَ وَيَّتْ مَفْرُوشَ مَرِيَّ بَ، عَلْ وَيَّتْ مَفْرَمَ مَرِفِ بَ
 كِ نَشَّ. 23 شَمَّ قِنْدِشِ عَ شَ فِنِ شُني نَنَ، عَلْ عَلَ شَ مِشِ سَفَنْدِشِ
 قِنْدِشِ دَنْشِنِيَّيِّ حَمَّ شُني رَكِ نَشَّ. دَنْشِنِيَّيِّ حَمَّ قَنَ قِنْدِشِ عَ قَتِ نَنَ،
 عَ بَرَنْشَنَ نَكِسَ. 24 دَنْشِنِيَّيِّ حَمَّ عَ يَّتْ مَفْرَمَ عَلَ شَ مِشِ سَفَنْدِشِ بَ
 كِ نَشَّ، فَيِّ قَنَ لَمَّ عَ شَ عَ يَّتْ مَفْرَعِ شَ مَرِيَّ بَ نَ كِ نَ قِ بَرِنَ كِي.

25 شَمِّي، وَّ شَ وَّ شَ فَيِّ شُنْ عَلْ عَلَ شَ مِشِ سَفَنْدِشِ دَنْشِنِيَّيِّ حَمَّ
 شَنْشِ كِ نَشَّ. عَ عَ يَّتْ قِ دَنْشِنِيَّيِّ حَمَّ شَ قِ رَ 26 عَلَكْ عَ شَ عَ رَسَنْبِنَ،
 عَ شَ عَ رَقِيشِ يَ رَمِسِنِيَّ سَابِي رَ، 27 عَ شَ عَ دَتَفَّ عَ يَّتْ بَ نَزْ كِي.
 نَ كِي، دَنْشِنِيَّيِّ حَمَّ لَمَّ نَ عَلْ دُفِ تَفَنِيَّ، شَسِ يَ مَ نَ نَشَنَ مَ، نَشَنَ مَ
 مَتْرَحْشِ. عَ شَ سَنِينِ، تَتَنِيَّ يَ نَشَ لُ عَ مَ. 28 شَمِّي لَمَّ عَ شَ عَ شَ فَيِّ
 شُنْ نَ مَوْلِ نَنَ. عَ شَ عَ شُنْ عَلْ عَ يَّتْ قَتِ شَنْشِ كِ نَشَّ. نَشَنَ عَ
 شَ فِنِ شَمَّ، عَ عَ يَّتْ نَنَ شَنْشِ. 29 مِشِ يَ مَ نَ نَشَنَ عَ يَّتْ قَتِ شَمَّ،
 بِرَمَ مِشِ بَرِنَ عَ يَّتْ رَبْلَمَ، عَ مِينِ عَ يَّتْ قَتِ مَ. عَلَ شَ مِشِ سَفَنْدِشِ قَنَ
 مِينِ دَنْشِنِيَّيِّ حَمَّ مَ نَ كِ نَ، 30 بِرَمَ وَنَ قِنْدِشِ عَ قَتِ سَلْنِيَّيِّ نَنَ. 31 «نَ
 كِي، شَمَّ قَمَّ نَ كَلِدِ عَ بَبَ نُنَ عَ نَفِ شُنْ مَ، عَ عَ مَسَّ عَ شَ فِنِ رَ، عَ قِنْدِ
 قَتِ كَرِنَ نَ.» 32 قِنْدِ لَبْلِيلِ نَنَ نَ كِ، كُنَّ آ نَ عَلَ شَ مِشِ سَفَنْدِشِ نُنَ
 دَنْشِنِيَّيِّ حَمَّ نَنَ مَ قِ قَاتِي. 33 كُنَّ كَنْكَنَ شَ عَ شَ فِنِ شُنْ عَلَ عَ يَّتْ

يَت. فَن قَن لَمَّ ع ش ع ش مَرِبِنِي.

6

1 دِي، وَّش وَّش وَفَ نُنْ وَبَبِ بِنِي مَرَفِ شِ قِ رَ، بَرِمَ نَ نَن قَدِ قِ
تَنشِنَشِ رَ. 2 يَامِرِ سِنَفِ نَن يَ، بَرَكْ لَا يَدِشِ نَشَنِ شَنِبِ رَ؛ «ع ش ع نَفِ
نُنْ ع بَبِ بِنِي، 3 عَلَكُ قِي شِ سَوَيِّ عِ بَ، ع شِ سَمِي سَتِ دُنْحِ بَدَّ حُ قِرَ.»
4 بِي، وَفَن نَشِ وَّش دِي رَشَن. وَّش عِ شُر، وَحِ رَسِ عِلْ مَرَفِ
وَمَ عِ شَن مَ كِ نَش.

5 كِنِي، وَّش وَ مَرِفِي سَفِ رَبِ، نَشِي نَ وَّشَن مَ يِ دُنْحِ مَ. وَّش
عِ بِنِي، وَفَاشِ عِ يَ رَ. وَّش عِ سَفِ رَبِ وَنِي رَ، عِلْ وَ عِلْ شِ مَشِ
سُفَنَدِشِ سَفِ رِبَمَ كِ نَش. 6 وَنَشِ عِ رَبِ عِ يِ تَدِ فَبَنَسِنِ شِ رَ، عِلْ نَشِي
كَمَّ عِ يَتِ رَقَدِ مَشِ مَ. وَّش عِ رَبِ نَ عِلْ عِلْ شِ مَشِ سُفَنَدِشِ شِ
كِنِي نَشِي عِلْ سَفِ رِبَمَ عِ حِ بَرِنَ. 7 وَعِ رَبِ وَتَنَشِ رَ. وَنَشِ وَ لِ عِ
بَ عِلْ وَنَ وَ لِقِ عِ تَن فَبَنَسِنِ نَن مَ قِ رَ. وَّش وَ لِ نَ عِلْ وَنَ وَ لِقِ مَرَفِ
نَن بَ، 8 بَرِمَ وَعِ كَلَنَ، مَشِ قِ قِنِي يِ رَبِ، شِ عِ قَدِ كِنِي رَ، شِ عِ قَدِ
شُر رَ، مَرَفِ عِ سَرِقَمَ نَ.

9 كِنِي مَرِفِي، وَفَن شِ عِ رَبِ نَ كِ نَ وَشِ كِنِي بَ. وَشِ بَ شَاحِقِ
عِ مَ، بَرِمَ وَعِ كَلَنَ مَرَفِ كِرِنَ نَن وَ بَرِنَ بَ كَوِرِمَ، نَشَنِ مَ مَشِ يِ
رَقَسِ عِ بَوِرِبَ.

عَلَّ فَرَسِي لَيْتِي قَمَّ دَشْنِيَّتِي مَ

10 عَ دَشْنِي رَ، وُشَّ وَ سَنَبَّ سَ مَرَفِ سَابِي رُنَّ عَ شَ سَنَبَّ مَفَاشِشِ
 سَابِي رَ. 11 وُشَّ عَلَّ شَ فَرَسِي بَرِنَ تَفَ، عَلَّكَ وُشَّ نَ تَدَّ عَيْلَسَ شَ
 كُوتَ بَرِنَ كَنَكِ. 12 بَرِمَ وَنَ مَ نَ عِبْدَمَ شَ فَرِقِ. مَنَفِي، نَلِي، يِ دُنْحِ
 سَنَمَ حَاشِي، حَنَّ لَشِي نَ كِي مَ، فَرِنَ وَنَ نِي نِي بَرِنَ تَفَ. 13 نَ نَ عَ
 رَ، وُشَّ عَلَّ شَ فَرَسِي بَرِنَ تَفَ عَلَّكَ نَ لَشِي كَبَّ نَ عَ لَ، وُشَّ نَ تَدَّ.
 نَ فَرِحْنِي شَ وُلِّ وُتَشِ. 14 نَ كِي، وُشَّ تَ نَ. وُوتَفَ عَشْرَ نَدِّ
 رَ. وُتَشْنِي قَنَدِ وَ كَنَكِ مَكَنَسِ رَ. 15 وَكَلَقِ شِبَارُ قَنِي مَسْنَدِ لَشَنَ بَحْسِ
 قَمَّ مَشِ مَ، وُشَّ نَ قَنَدِ سَنَكِرَ رَ وَ سَنِي بَ. 16 سَقِي نَ بَرِنَ شَنَ مَ، وُشَّ
 دَشْنِي سَشِ وَيِ رَعَلِ وَرَلِقِ. نَ نَ نَمَ سَنَتَنَ شَ تَلَبَّ رَدَشْنِي رَيْدِ، عَ
 عَ رَشِينِ. 17 وَ مَنَ شَ كَسِ سَشِ لَشَنَ قَنَدِشِ وَ شَنَ مَكَنَسِ رَ. وَ عَلَّ
 شَشَلِ سَنِينِشِ شَ سَنَدَفَمَ قَنَ سَشِ لَشَنَ قَنَدِشِ عَلَّ شَ مَسِينِ رَ. 18 وُشَّ
 عَلَّ مَشْنَدِ تَمِي بَرِنَ عَ شَشَلِ سَنِينِشِ سَابِي رَ، دُبَّ نَ مَشْنَدِ مَوْلِ بَرِنَ نَ. نَ
 كِي، وُشَّ يَنْقِ. وُشَّ وَ تَنْبَشِ نَ عَلَّ مَشْنَدِ رَسِينِ بَرِنَ بَ.

19 وُشَّ عَلَّ مَشْنَدِ آ قَنَ بَ، عَلَّكَ آ نَ آ دَ عِبِ، عَلَّ شَ آ مَلِ عَ شَ
 شِبَارُ قَنِي قَنَدِ مَكَنَدِ بَرِنَ بَ لَمِي رَ. 20 آ قَنَدِشِ عَلَّ شَ سَنَتَفِ نَ نَ يَلَشْنِي
 بَرَلَنَ لَشَنَ مَ نَ شِبَارُ قَنِي شَ قِ رَ. وُشَّ عَلَّ مَشْنَدِ آ بَ عَلَّكَ آ شَ عَ مَسِنِ

لَمِي رَعَلْ أَلْنِ آشْ عَ مَسِينِ كِ نَشْ.

وَيَنَّ دَشْنِي

21 تَكْكَ آَمَ قِ نُنْ آَمَ وَلِ شِ قِ بَرِنِ مَسِينِ نَّ وَبَّ. وَنْ نَفْشَكْرِنِي شَنْشِ
 نَنْ عَ رَدَشْنِي كِي. تَنْبِشَلْ نَنْ عَ رَمْرِفِ شِ وَلِ كِي. 22 آَعْ شَيْشِ وَمَ
 نَنْ مَ، عَلْكَ عَ شِ مُشْ شِ قِ تَفِ رَبِّ وَبَّ، عَ مَنَّ شِ وَبِحْ رَلْمِي.
 23 بَبْ عَلْ نَنْ عَ شِ مَشِ سَفَنْدَشِ مْرِفِ عَسِ شِ بَحْسِ، شَنْتِي، نَنْ
 دَشْنِي قِ نَفْشَكْرِنِي مَ. 24 عَلْ شِ هَنْنِ قِ بَرِنِ مَ مْرِفِ عَسِ شِ شَنْتِي مَ
 حَمَ مَشِ نَشِي بَّ.

عِنْدَ يَرِّ، تَوْرَتِ، كِتَابِي، سُسُ

**The Holy Bible in the Susu language of Guinea, using
Arabic script**

copyright © 2015 Mission Évangélique Réformée Néerlandaise et les Traducteurs Pionniers de la Bible

Language: Susu

Contributor: Pioneer Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-11-11

PDF generated using Haiola and XeLaTeX on 22 Feb 2024 from source files dated 29 Jan 2022

04e1b19d-d8ed-5e80-bd24-2a80bcef13bd